

SHARCI L. 28 ee 16 Juunyo 1978: Dhisidda Wakaa-
ladda Hindisaha Soomaaliyeed.

MADAXWEYNAHA

JAMHUURIYADDA DIMOQRAADIGA SOOMAALIYA

ISAGOO ARKAY : Warqaddii Koowaad, Labaad iyo tii Sadda-
xaad ee Kacaanka ;

ISAGOO ARKAY : Sharciyada lamb. yihiin 17, 18 iyo 19 ee
soo baxeen Ida Luulyo 1976uu

ISAGOO AQOONSAN : Inay tahay lagama maarmaan in la
dhiro Wakaalad cusub oo la yiraahdo Wakaaladda Hindisa-
ha Soomaaliyeed taasoo loo xilsaaray diyaarinta Brojee-
tooyinka Mashaaricda Injinyeeriyada ee Dalka laga hir-
gelinaayo.

ISAGOO TIXGELINAAYA : Go'aankii Guddiga Siyaasadda
iyo Golaha Wasirrada ee X.H.K.S.

WUXUU SOO SAARAYAA :

Sharciga soo socda :

QAYBTA IAAD

HABKA GUUD

Qodobka laad

Dhismaha Wakaaladda

1. Waxaa la dhisayaa Wakaalad cusub oo la yiraahdo
Wakaaladda Hindisaha Soomaaliyeed (Somali Engineering
Consulting Agency) taasoo hoos imaanaysa Wasaaradda Haw-
laha Guud.
2. Wakaaladdu waxay tahay mid madax bannaan oo leh
jiritaan iyo Shakhsiyad Sharciyeed si ay u fuliso hawlaheeda.
3. Wakaaladdu waxay u hoggaansami doontaa Sharci-
gaan iyo Sharciyada kale ee soo socda :
 - b) Sharciga Lr. 16 soona baxay Idii Abriille 1970 kuna
saabsan Wakaaladaha Madaxa Bannaan iyo wixii
beddelaad ah oo ka dambeeyey ;
 - t) Sharciga Lr. 36 taariikh 22 Abriille 1972 ee ku saabsan
Shaqaalaha Wakaaladaha Madaxa Bannaan ;
 - j) Sharciga Lr. 58 taariikh 31 Luulyo 1972 ee ku saab-
san Lacagta Wakaaladaha Madaxa Bannaan ;

Qodobka 2aad

Xarunta iyo Laamaha Wakaaladda

Xarunta Wakaaladdu waxay ahaaneysaa Magaala Madaxda Muqdisho, waxayna ku yeelan kartaa Laamo Gobollada iyo Degmooyinka Jamhuuriyadda Dimoqraadiga ee Soomaaliya haddii loo baahdo.

Qodobka 3aad

Ujeeddooyinka

Ujeeddooyinka Wakaaladdu waxay yihiin :

- Inay diyaariso Brojeetooyinka Mashaariicda Injinyeeriya da laga hirgelinaayo Dalka oo ay Dawladdu leedahay ama Wakaaladaha Madaxa Bannaan.
- Inay la socoto, kormeerto iyo talo ka bixiso hawlaha dhismaha ee ku saabsan Injinyeeridda ee laga hirgelinaayo Dalka
- Inay deristo oggolaansho Tarsamadeedna ka bixiso Brojeetooyinka mashaariicda laga hirgelinaayo Dalka oo ay Dawladdu ama Wakaaladaha Madaxa Bannaan ay leeyihiin kuwaasoo iyadu toos u sameynin ;
- Inay sahmisoo alaabta dhismaha ee laga helayo Dalka kuna taliso horumarintooda ;
- Inay ku samayso tijaabada ciidda (Soil analysis) iyo alaabta dhismaha.

Qodobka 4aad

Awoodda Wakaaladda

Wakaaladdu waxay awood u leedahay iney fuliso hawsha loo xilsaaray oo ku xusan qodobka 2aad ee Sharcigan iyadoo ka qayb galayca tartannada ka soo baxo Hay'adaha Caalamiga ah iyo iney heshiisyo gaar ah oo tartan ka'een ah ka sameeyso dhinacyo kale.

Qodobka 5aad

Kormeeridda iyo Ilaalinta guud

Kormeeridda iyo ilaalinta guud ee Wakaaladda waxaa yeelanaya Wasiirka Hawlaha Guud.

XUBNAHA WAKAALADDA

Qodobka 6aad

Maareeyaha Guud

Wakaaladdu waxaa madax u noqonaya Maareeye Guud, waxaana lagu magacaabayaa Dekreeto uu soo saaro Madaxweynaha Jamhuuriyadda Dimoqraadiga Soomaaliya isagoo tixgelinaaya talada Wasiirka Hawlaha Guud iyo oggolaanshaha Golaha Wasiirrada.

Qodobka 7aad

Agaasimayaasha

1. Wakaaladdu waxay yeelanaysaa Waaxyo, Qaybo iyo Laamo.

2. Waaxyaha Wakaaladda waxaa Madax u noqonaya Agaasimayaal, waxaana lagu magacaabayaa Dekreeto uu soo saaro Madaxwaynaha Jamhuuriyadda Dimoqraadiga Soomaaliya, isagoo tixgelinaaya talada Wasiirka Hawlaha Guud iyo tan Maareeyaha Guud ee Wakaaladda.

Qodobka 8aad

Hawsha Maareeyaha Guud

1. Maraayaha Guud waxaa loo xilsaaray, isagoo ka Wakil ah Wakaaladda, fulinta ujeedooyinka loo dhisay Wakaaladda, hawsheeduna waxay tahay:

- b) Inuu saxiixo heshiisyada ay Wakaaladdu dhinac ka tahay
- t) Waxa uu mas'uul ka yahay habka maamulka shaqada Wakaaladda isagoo awood u leh inuu qaado tillaabo kasta oo ku haboon socodsinta hawsha Wakaaladda;
- j) Waa inuu wixii go'aan ah ee ku saabsan Siyaasadda guud ee Wakaaladda ka haystaa oggolaasho Wasiirka Hawlaha Guud ;
- x) Wuxuu mas'uul ka noqonayaa lacagta Wakaaladda ;
- kh) Waa inuu si hagar la'aan ah ula shaqeeyaa Unugga Xisbiga H.K.S. iyo Guddiga Shaqaalaha ee ka dhisan Wakaaladda ;
- d) Waa inuu mas'uul ka noqdaa kor u qaadidda Xirfadaha iyo tababarada shaqaalaha Wakaaladda.

2. Marka uu maareeyaha Guud ka maqnaado shaqadiisa sabab kasta ha ahaatee waxaa meeshiisii loo dhiibayaa Agaasime ka tirsan Wakaaladda uu Wasiirku Ku-sime ahaan u soo magacaabo.

Qodobka 9aad

Rasamaalka Wakaaladda

Rasamaalka Wakaaladdu wuxuu ka koobnaan doonaa :

1. Lacag Sh. So. 3.000.000 oo ay Dawladda Soomaaliyeed siiso.
2. Wixii hanti ah oo ugu deeqaan dawlado kale ama Ururro Caalami ah.
3. Wixii lacag ah oo ka soo gala hawsha ay qabato Wakaaladda.

Qodobka 10aad

Miisaaniyadda Wakaaladda

1. Maareeyaha Guud marka ay tahay 30ka Oktoobar ama inta ka horreysa sannad kasta waa inuu isku dubbaridaa miisaaniyadda sannadka maaliyadda soo galaysa isaga oo ku faahfaahinaayo kuna muujinaya lacagta soo geli doonta ama ka bixi doonta wakaaladda sannadka soo socda, waxaanu hor-dhigi doonaa Wasiirka Maaliyadda iyo kan Wasaaradda Hawlaha Guud si loo oggolaado.

2. Miisaaniyadda lacagta sannadka ee Wakaaladda waa inay ahaataa mid la socota oo tixgelisa miisaaniyadda Dawladda.

Qodobka 11aad

Xiritaanka Xisaabaadka

1. Maareeyaha marka ay tahay 31 Maarso ama inta ka horreysa sannadkasta waa inuu isku dubbaridaa Xiritaanka Xisaabaadka ee sannadka la soo dhaafay isagoo isku hagaajiyey bandhiggii macaashka iyo khasaaraha Wakaaladda, wuxuuna u gudbinayaa Wasaaradda Maaliyadda iyo tan Hawlaha Guud.

2. Wasiirka Wasaaradda Hawlaha Guud waxaa uu awood u leeyahay, isaga oo la tashanaya Wasiirka Maaliyadda inuu oggolaado Xiritaanka Xisaabaadka wuxuuna amar ku soo bixin karaa in lagu qoro Faafinta Rasmiga ah ee Dawladda iyadoo kharajka ay bixinayso Wakaaladdu.

Qodobka 12aad

A M M A A H

Wakaaladdu iyadoo haysata oggolaanshaha Wasiirka Hawlaha Guud waxay ka amaahan kartaa lacag Bankiyada iyo Hay'adaha Dalka iyo dibeddaba si ay u fuliso hawlaha loo xilsaaray

Qodobka 13aad

Ka reebid

Sida uu dhigayo qodobka 17aad ee Xeerka Shaqaalaha Dawladda, Maareeyaha Guud, Agaasimayaasha waaxyaha iyo iyo Shaqaalaha kale ee Wakaaladdu ma gali karaan ganacsi amase Farsamo lid ku ah danaha iyo ujeedooyinka Wakaladda.

QAYBTA IIIAAD

QODOBO UGU DAMBAYS AH

Qodobka 14aad

Xeer Nidaamiye

Madaxweynaha Jamhuuriyadda Demoqraadiga Soomaaliya wuxuu awood u leeyahay isagoo tixgelinaaya talada Wasiirka Hawlaha Guud inuu soo saaro Xeer Nidaamiye lagu fulinaayo Sharcigan.

Qodobka 15aad

Dhaqan gelid

Sharcigani waxaa lagu soo saarayaa Faafinta Rasmiga ah ee Dawladda, wuxuuna dhaqan galayaa taariikhda uu ku soo baxo.

Muqdisho 16 Juunyo 1978

(Jaalle S. Gaas Maxamed Siyaad Barre)

MADAXWEYNAHA

JAMHUURIYADDA DEMOQARAADIGA SOOMAALIYA